



Na osnovu člana 94. stav 2. tačka b), a u vezi sa članom 97. i 98. Zakona o osnovnoj školi („Službene novine Zeničko-dobojskog kantona“, broj: 3/18), člana 8. i 9. Pravilnika o izboru i imenovanju direktora osnovne škole („Službene novine Zeničko-dobojskog kantona“, broj: 10/21) i Odluke Školskog odbora broj: 294/26 od 14.05.2026. godine, Školski odbor Javne ustanove Osnovna škola „Vožuća-Ribnica“ Zavidovići raspisuje,

KONKURS **za izbor i imenovanje direktora škole**

I. Uslovi za izbor i imenovanje direktora škole

Za direktora osnovne škole može biti imenovana osoba koja ispunjava slijedeće zakonom propisane uslove:

- a) Da je državljanin Bosne i Hercegovine,
- b) Da posjeduje opću zdravstvenu sposobnost,
- c) Da u pogledu stručne spreme ispunjava uslove za nastavnika u osnovnoj školi, odnosno stručnog saradnika,
- d) Da ima najmanje 5 (pet) godina radnog staža na poslovima u nastavi, odnosno odgojno-obrazovnom procesu, a naročito se ističe svojim radom, sposobnostima organizacije, odgojno-obrazovnog rada škole i u pedagoškoj teoriji i praksi o čemu posjeduje mjerljive pokazatelje, odnosno relevantnu dokumentaciju,
- e) Da ima najmanje VI stepen stručne spreme, odnosno završen studij po Bolonjskom sistemu (najmanje 180 ECTS bodova),
- f) Da nema kriminalni sudski dosije bilo koje vrste,
- g) Da protiv istog nije pred Sudovima na području Bosne i Hercegovine potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona FBiH može izreći kazna zatvora u trajanju od tri mjeseca i više,
- h) Da nije na na drugoj poziciji koja može utjecati na eventualni sukob interesa,
- i) Da nije u srodstvu sa članovima Školskog odbora u skladu sa odredbama Zakona o sukobu interesa FBiH,
- j) Da nije član tijela ili organa niti jedne političke stranke.

II. Mandat direktora

Školski odbor imenuje direktora škole na period od 4 (četiri) godine uz prethodnu saglasnost Vlade Zeničko-dobojskog kantona o izabranom kandidatu.

III. Dokumenti koje su kandidati dužni dostaviti uz prijavu

Uz prijavu na Konkurs kandidati su obavezni dostaviti slijedeću dokumentaciju:

1. Svojeručno potpisanu prijavu na konkurs sa kontakt podacima i tačnom navedenom dokumentacijom koja se prilaže uz prijavu,
2. Kraću biografiju – CV,
3. Dokaz o stručnoj spremi / diploma o završenom obrazovanju,
4. Izvod iz matične knjige rođenih,
5. Uvjerenje o državljanstvu (ne starije od 6 mjeseci),
6. Uvjerenje o položenom stručnom ispitu,
7. Uvjerenje da se protiv kandidata ne vodi krivični postupak (ne starije od 6 mjeseci),
8. Uvjerenje o nekažnjavanju (ne starije od 6 mjeseci, kandidat),
9. Uvjerenje / Potvrda o radnom stažu na poslovima u nastavi odnosno odgojno-obrazovnom procesu,
10. Rješenje ili drugi dokaz da se naročito ističe svojim radom i sposobnostima organizacije odgojno-obrazovnog rada škole i u pedagoškoj teoriji i praksi,
11. Ovjerena i potpisana Izjava da nije član tijela ili organa niti jedne političke stranke, te da za vrijeme obnašanja povjerene javne dužnosti neće politički djelovati u smislu postupanja po datim političkim uputama ili preporukama, smjernicama i komentarima političkih stranaka, javnog angažovanja u radu stranačkih tijela ili organa, učešća u organizovanju javnih političkih istupa uključujući i javna istupanja na političkim skupovima stranaka ili njihovih organa i tijela, kao i svim drugim oblicima javnog podržavanja iznesenih stavova političkih stranaka, a na osnovu kojih bi se u javnosti ili školi, mogla dovesti u pitanje njihova opredjeljena politička nepristrasnost,
12. Ovjerena i potpisana Izjava da nije na drugoj poziciji koja može uticati na eventualni sukob interesa,
13. Ovjerena i potpisana Izjava da nije u srodstvu sa članovima Školskog odbora u skladu sa Zakonom o sukobu interesa FBiH,
14. Ljekarsko uvjerenje (ne starije od 6 mjeseci, kandidat dostavlja nakon izbora od strane Školskog odbora, a prije pribavljanja prethodne saglasnosti Vlade kantona o izabranom kandidatu za imenovanje na poziciju direktora škole).

Napomena: Dokumenti uz prijavu moraju biti dostavljeni u originalu ili ovjerene kopije.

IV. Rok za podnošenje prijava kandidata

Rok za podnošenje prijava kandidata na Konkurs za izbor i imenovanje direktora škole je 15 (petnaest) dana od dana posljednjeg objavljivanja (predmetni konkurs bit će objavljen na web stranici škole, oglasnoj ploči, stranici Službe za zapošljavanje ZDK-a i Nezavisnim novinama „Naša riječ“ Zenica“).

V. Način i rok obavješćavanja kandidata o rezultatima Konkursa

O rezultatima Konkursa za izbor i imenovanje direktora škole, svi učesnici će biti obavješteni pismenim putem u roku od 8 (osam) dana od dana donošenja Odluke Školskog odbora o izboru kandidata.

Procedura izbora i imenovanja direktora škole izvršiti će se u skladu sa Zakonom o osnovnoj školi i Pravilnikom o izboru i imenovanju direktora osnovne škole.

VI. Dostava prijava i dokaza o ispunjavanju uslova konkursa

Prijave zainteresovani kandidati dostavljaju u zatvorenoj koverti neposredno na protokol škole ili preporučenom pošiljkom na adresu:

**Javna ustanova Osnovna škola „Vozuća-Ribnica“ Zavidovići,
Ul. Vozuća bb, 72 227 Vozuća sa naznakom
„Prijava na konkurs za izbor i imenovanje direktora škole“
Školski odbor-NE OTVARAJ**

Nepotpune, nepotpisane i neblagovremeno pristigle prijave neće biti uzete u razmatranje.

Broj: 295/26

Dana, 14.05.2026. god.



Predsjednik Školskog odbora

Omerčević Jasminka